

Communicaziun a las medias dal 4. da december 2023

Standard & Poor's conferma il rating «AA» da la Banca Chantunala Grischuna

La Banca Chantunala Grischuna (BCG) survegn da l'agentura Standard & Poor's puspè la valitaziun «AA». Tar las fermezzas da la banca tutgan la basa da l'agen chapital fitg solida, la posiziun a la testa dal martgà en il Grischun e la diversificaziun dal model da fatschenta. Era la garanzia statale dal chantun Grischun ha contribuì al resultat excellent.

En lur rapport partan ils analists da Standard & Poor's (S&P) dal fatg che la BCG vegnia a diversifitgar ses retgavs er en l'avegnir e schlargiar sia preschientscha ordaifer il Grischun. La participaziun da maioritad a la BZ Bank acquistada la stad 2022 saja stà in proxim pass en questa direcziun.

CEO Daniel Fust sa legra da questa ulteriura valitaziun excellenta: «Il rating da Standard & Poor's conferma nossa strategia da duas pitgas fermas cun la fatschenta da tschains e la fatschenta d'investiziuns.» Il rapport suttastritgia medemamain la fitg ferma chapitalisaziun da la banca, cumplettescha Fust.

Tenor S&P vegn il svilup da la BCG a restar stabil. En sia analisa renviescha l'agentura da rating a la posiziun segira e robusta da la banca colliada cun in aut agen chapital e la garanzia statale dal chantun Grischun.

Ulteriuras infurmaziuns sin gkb.ch/ratings.

Contact:

Thomas Müller, thom.mueller@gkb.ch, telefon +41 81 256 83 11

Daniel Daester, daniel.daester@gkb.ch, telefon +41 81 256 88 01

Banca Chantunala Grischuna, chascha postale, 7001 Cuira | medien@gkb.ch / gkb.ch/medien

Banca Chantunala Grischuna.

La Banca Chantunala Grischuna porscha tut quai ch'i dovra per ina banca universal moderna – per persunas privatas, l'economia ed il maun public. L'interpresa cun sedia principala a Cuira è represchentada en passa 40 lieus en il Grischun. Cun var 1'000 collavuraturas e collavuratur è la BCG ina da las pli grondas patronas en il chantun. Sia attaschadadad al Grischun exprima ella en moda multifara. Ultra da sias activitads economicas s'engascha ella cun ses sponsoradis, ses fond da contribuziuns e sias puschidas per lavur voluntara.

La BCG dispona da participaziuns da maioritad a la Banca privata Bellerive AG, a l'Albin Kistler AG ed a la BZ Bank Aktiengesellschaft e d'ina participaziun da minoritad a la Twelve Capital Holding AG. Il scrit da participaziun BCG è quotà a la bursa dapi il 1985.